

Tuvan - Salvation Scriptures

Эфесчилерге 2:2 Бачытка бораашкаш, силер ол шагда бо делегейниң оруктары-биле чоруп, дээр адааның күштериниң чагырыкчызынга (ол амгы үеде Бурганны дыңнавастарны удуртуп турар) чагыртып чораан силер.

Матфей 6:10 Сээң Чагыргаң чедип келзин. Дээрге дег, черге база Сээң күзел-сорууң чогуу бүтсүн.

Лука 22:42 «Ачай, Сээң күзел-сорууң ындыг болза, хилинчектиң бо дашказын Менден чайлады берем. Ындыг-даа болза, бүгү чүве Мээң эвес, а Сээң күзел-сорууң ёзугаар болзун!»

Иоанн 16:7-9 Ынчалза-даа Мен силерге алыс шынны чугаалап тур мен: Мен чоруй барзымза, силерге ачы-дузалыг болур. Чүге дээрге Мен чорбазымза, Болчукчу силерге келбес, а чорупсумза, Ону силерже ыдыптар мен. 8 Оон Ол чедип келгеш, бачыт, чөптүг-шынныг чорук база Бурганның шииткели деп чүл ол дээрзин бо делегейниң улузунга көргүзүп, оларны сойгалаар. 9 Бачытты бо делегейниң улузу шын билбес-тир – олар Меңээ бүзүревес болгай.

2 Тимофейге 2:10 Бурганның шилээн улузу база Христос Иисусту дамчыштыр кээр камгалалды мөңгө алдар-биле катай алзыннар дээш, оларны бодаанымдан, чүнү-даа шыдажып чор мен.

Римчилерге 15:20,21 Мээң мурнумда-ла өске улустуң салган үндезининге тудуп үндүрбес дээш, улус ам-даа Христостуң адын дыңнаваан черге суртаалдаарынче үргүлчү чүткүдүп келген мен. 21 Бижилгениң дараазында сөстөрүн күүседирин кызыткан мен: «Ооң дугайында улустан медеглел албаан улус – көрүп каар, а дыңнаваан улус – билип аар».

Ажыл-чоруд 2:36,37 Ынчангаш Бурган Иисусту Дээрги база Христос кылдыр шилээнин билип ал, израиль чон! А силер Ону хере шаап турган-дыр силер». 37 Улус ону дыңнааш, сагыжы ыстап аарып, Пётрдан болгаш өске элчиннерден айтырганнар: «Ха-дуңма, бис ам чүнү кылыылы?»

Еврейлерге 4:2 Демги еврейлерге ышкаш, Буянныг медээни биске база суртаалдаан. Ындыг-даа болза, ону дыңнааш, бүзүрей берген улуска бүзүрээни-биле каттышпаан улустуң дыңнап алган сөзү оларга ажык-дуза чедирбээн.

Иеремия 24:7 Мени – Дээрги-Чаяакчыны билип алзын дээш, Мен оларга угаангыр чүректи бээр мен. Олар Мээң чонум болур, Мен оларның Бурганы болур мен, чүге дээрге олар Менче чүрээниң ханызындан эглип кээр».

Ажыл-чоруд 16:14 Аңаа Фиатира хоорайдан келген, улуг үнелиг пөстөр садыгжызы Лидия деп аттыг Бурганга бүзүрээр херээжен турган. Дээрги-Чаяакчы ооң чүрээн Павелдиң чугаазынга бүзүрээр кылдыр ажыдып

берген.

Матфей 13:14,15 Исаяяның дараазында өттүр билген медеглели олар-биле ынчалдыр боттанганы ол-дур: „Дыңнааш-даа, угаап билбес-тир силер, көргөш-даа, эскербес-тир силер. 15 Бо дээрге чүректери дашталып калган, кулаан кумнап, караан хаптап алган чон-дур – оон башка караа-биле көрүп, кулаа-биле дыңнап, чүрээ-биле угаап билиптер турган ийик; оон башка олар Менче чедип кээр ийик, а Мен оларны экиртир ийик мен“.

Исаяя 6:9,10 Ол ынчан мынча дээн: «Барып, бо чонга: „Дыңнааш-даа, угаап билбес-тир силер, көргөш-даа, билип албас-тыр силер“ – деп чугаала. Бо чоннуң чүрээ дашталып калган, кулаан кумнап, караан хаптап алган – оон башка олар караа-биле көрүп, кулаа-биле дыңнап, чүрээ-биле угаап билиптер турган ийик; оон башка олар Менче эглип кээп, экирий бээр турган ийик».

Марк 4:11,12 Иисус мынча дээн: «Силерге Бурганның Чагыргазының чажыдын билип аар органы хайырлаан-дыр, а Чагырганың даштында турар болгаш, ону билбес улуска бүгү чүвени угаадыглыг чугаалар дамчыштыр ажыдып берген. 12 Олар көрзе-даа, эскербес-тир, дыңназа-даа, дыңнаваас база угаап билбес-тир. А оон башка олар Бурганче эглип кээп, өршээл алыр ийик».

Иоанн 12:39,40 Оларның чүге бүзүрөвээниниң дугайында демги-ле Исаяя мынча дээн турган: 40 «Бурган оларның карактарын согурартып, чүректерин чөрүү кылып каан, ынчангаш олар карактары-биле көрбөс, чүрээ-биле угаавас-тыр. Оон башка Менче эглип келгейлер, Мен ынчан оларны экирткей мен».

Римчилерге 11:7,8 Ынчаарга ам чүл? Чедип алыр дээш, чүткүткен чүүлүн израиль чон чедип албаан-дыр. Ону шилиттирген улус чедип алган, а артканнарының чүректери дашталып калган. 8 Бижилгеде ол дугайын мынчаар бижээн: «Бурган оларны билинместедипкен, бо хүнге чедир оларның карактары көрбөстөп, кулактары дыңнаваस्ताп калган».

2 Фессалоникчилерге 2:10,11 янзы-бүрү хевирниң бузуттуг дуурайлаашкыны бооп, бодун илередир. Алыс шынга ынакшыырындан база ооң ачызында камгалал алырындан ойталааш, өлүмчө бар чыдар улус аңаа алзып алыр. 11 Ынчангаш Бурган оларны будулар чорукка чагыртыптарга, олар мегеге бүзүрөй бээр.

Матфей 13:18-23 «Ынчангаш тараа чажыкчызы дугайында угаадыглыг чугааның тайылбырын дыңнаңар. 19 Дээрниң Чагыргазының дугайында медээни дыңнап олура, ону угаай албас кижиге турар болза, эрлик чедип келгөш, ооң чүрээнде чашкан медээни оорлап аппаар. Орук кыдыынче чашкан үрезин ол-дур. 20 А сай-даштыг черже чашкан үрезин дээрге медээни дыңнаан дораан-на, ону өөрүшкү-биле хүлээп алыр кижиге-дир. 21 Ынчалза-даа ол кижиге бодунда дазыл чок болгаш, турум эвес боор. Ооң соонда медээ ужун бергелерге азы истеп-сүрүүшкүнге таваржы бээр болза, ол-ла дораан күткүттүрүп, өскээр чайгыла бээр. 22 Тенниг хонакка

чашкан үрезин дээрге медээни дыңнап турар, ынчалза-даа амгы амыдыралының ажаанзырал-човаа база байлакшыл дуурайы медээни боой базырыптарга, ооң үрезини дүжүт бербес кижидир. 23 А үнүш-дүжүткүр хөрзүннүг черге чашкан үрезин дээрге медээни дыңнааш, угаап шыдаар кижидир. Ындыг кижидир чашканындан чүс, алдан база үжен дакпыр хөй дүжүт бээр».

2 Коринфичилерге 3:15,16 Бөгүнге чедир, Моисейниң хоойлузун номчуп турда, ол шывыг оларның чүректерин шып арткан хевээр-дир. 16 Ынчалза-даа кижидир Дээрги-Чаяакчыже эглирге, ол шывыгны ап кааптар. Исая 30:28 Ооң тыныжы – моюнга чедир көдүрлүп кээр үер суу дег. Ол чоннарны өлүмнүң шишкиинге шишкиир –аймактарның аксынга оларны оруундан өскээр аппаар чүген суп каан боор.

Осия 11:3-7 Мен Бодум Эфремни кылаштаарыңга өөредип кагдым, холумга көдүрүп алгаш чоруп турдум, а израильчилер оларны Мээң экиртир эмнеп турарымны билбеди. 4 Кижизиг, ынакшылдыг харылзаалар-биле оларны хаара тудуп алган мен; оларның моюннарындан дөңгүнү ужулган дег болган мен, ээкеш, аъш-чемни оларга салып берип турган мен. 5 Израиль Египетче дедир ээп чоруур, Ассирия ону чагырар, чүге дээрге ол Менче эглиринден ойталаан-дыр. 6 Ооң хоорайларын хылыш кезе шавар – ооң хаалгазының дээктерин үреп, кара сагыштыг бодалдары дээш, израильчилерни сыырыптар. 7 Мээң чонум Менден ойталаарын кызып турар-дыр, медээчилерим оларны бедикче кыйгырарга-даа, өрү көдүрлүр кижидир чок-тур.

Ажыл-чоруд 26:18 Оларның бачыттары өршээттинзин дээш, а ол ышкаш Меңээ бүзүрээниниң ачызында Бурганның ыдыктаан чонунуң аразынче кирзиннер дээш, сен оларның карактарын ажыдар база дүмбей караңгыдан – чырыкче, эрликтин чагыргазындан – Бурганче ээлдирер сен“.

2 Тимофейге 2:24-26 Дээрги-Чаяакчының чалчазы боор кижидир алгыш-кырыш кылбаза эки. Харын ол хамык улус-биле эвилең-ээлдек, өөредиг берип билир, шыдамыккай боор ужурлуг. 25 Ол аңаа удур улусту безин эп-чөп-биле эдип-чазазын. Чүге дээрге Бурган оларга бачыдын миннип, алыс шынны билип аар органы бээр чадавас. 26 Олар ооң соонда сергей бээр база оларны аспаптап алгаш, бодунуң күзел-соруунга чагыртырынче албадапкан эрликтин туттуруундан ушта халый бээр чадавас.

Ажыдышкын 3:17-19 Мынча дээр-дир силер: „Мен бай мен, эртине-байлаам эгээртинмес, меңээ ам чүнүң-даа херээ чок“. Ынчалза-даа кежик чогуңарны, чөгенчиг ядыыңарны, согуруңарны болгаш шалдаңыңарны билбес-тир силер. 18 Байыыр деп бодазыңарза, сүмем бо-дур: от-биле арыглаан алдынны Менден садып алыңар. Силерниң ыянчыг шалдаңыңар көзүлбезин дээш, ак хептен база садып алыңар. Караңар көрзүн дээш, каракка чаар эмден база садып алыңар. 19 Ынак улузунму чөмөлээш, кезедир мен. Ынчангаш чүткүлдүг болуңар база бачыттарыңар миннип, Бурганче эглиңер.

- 2 Коринфичилерге 7:10 Бургандан келген муңгарал бачытты минниринге чедирер, ындыг болганда, камгалалга чедирер, ол дугайында хомудаан херээ чок. А бо делегейниң муңгаралы чүгле өлүмге чедирер.
- 1 Хаан 18:37 Меңээ харыылап көрөм, Дээрги-Чаяакчы, харыылап көрөм – бо чон Дээрги-Чаяакчы сени ёзулуг Бурган деп база Сээң оларның чүрөөн Бодуңче катап ээлдирип ап турарыңны билип алзын» – дээн.
- 2 Коринфичилерге 4:4 Амгы бо делегейниң «бурганы» – эрлик шак ол бүзүрөөн улустуң угаан-бодалын чүве эскербес кылып каарга, олар Христостуң Буянныг Медээзиниң чайынналчак чырыын көрбес-тирлер, а Христос – Бурганның омур-хевири болгай.
- Лука 8:11-15 Бо угаадыглыг чугааның утказы мындыг: үрезин дээрге Бурганның медээзи-дир. 12 Орук кыдыынга кээп дүшкеннери дээрге медээни дыңнап турар кижилер-дир. Ынчалза-даа ооң соонда оларга эрлик чедип келгеш, дыңнаан чүвезинге бүзүрей бербезиннер база камгалал албазыннар дээш, оларның чүректеринден медээни алгаш баар. 13 Сай-даштыг черже кээп дүшкеннери дээрге медээни дыңнааш, өөрүшкү-биле хүлээп алыр, ынчалза-даа дазылы чок кижилер-дир. Олар элээн үе дургузунда бүзүрөп-даа турза, шенелделер үези кээрге, Бургандан хая көрнү бээрлер. 14 Тенниг хонак үнер черже кээп дүшкеннери дээрге, өске улус ышкаш, медээни дыңнап турар кижилер-дир. Ынчалза-даа олар ажаанзырал-човаанга, байлакшылга база амгы амыдыралының чыргал-таалалынга элзеттиргеш, оон оспаксырай бээр, оларның үрезини дүжүт бербес. 15 Үнүш-дүжүткүр хөрзүннүг черже кээп дүшкеннери дээрге медээни дыңнааш, ону боттарының буянныг болгаш арыг чүректеринге кадагалап шыгжааш, туруштуг чоруунуң ачызында дүжүдүн бээр кижилер-дир.
- Ажыл-чоруд 15:11 Ынчалза-даа бис база олар ышкаш, Дээрги Иисустуң авыралын дамчыштыр камгалал алырывыска бүзүрээр бис».
- Римчилерге 8:13 Чүге дээрге бачыттыг бүдүжүңерниң кара аайы-биле амыдыраар болзуңарза, өлүрүнүң кырында силер, а бир эвес кижилер бүдүжүңерниң ажыл-херээн Сүлдениң дузазы-биле өлүглендирер болзуңарза, амылыг артар силер.

Pastor T. John Franklin
Church of Salvation, Healing, and Deliverance
COS-HAD.org